

陝西府縣志

全志集

乾隆
道光
咸豐
同治
光緒
宣統
民國
中華
人民
共和國
志



中國地方志集成

陝西府縣志輯 ⑤①

隆南縣志

隆南縣志

隆南縣志

隆南縣志



延修志書啟

粵自書傳禹貢官號職方太師采列國之風外史掌四方之志黃圖皇覽漢魏具有成書郡國方輿唐宋兩多全統雖千載之典章既脩豈一方之文獻無徵瞻茲南邑風號名區地界雍梁星躔井鬼旱麓興歌於周推沲潛誌蹟於夏書山川雄秀開漢家四百之基土壤膏腴延劉氏三分之統渠名蕭堰文終之惠澤斯存谷號武鄉丞相之經營如在地靈鍾秀人傑挺生節効忠貞咸仰漢庭太尉才資匡濟羣推元代平章樊李齊之高隱

南鄭縣志

啟

一

范史垂聲李貞古之孝思唐書著美母儀若杜泰姬之賢明婦道如韓樹南之節烈美不勝收並足維持風化終難悉數尤堪扶植綱常顧自秦厲築城而後歲近三千暨

國朝定鼎以來年經百五前言往往行非無載籍之傳聞別類分門未有成編之薈萃遂使曠懷上下之間污隆莫考憑弔古今之數損益無稽儉一官承乏五載滋慙幸逢

聖世之休祥雨暘時若欣荷

上堂之覆庇獄訟風清是用不辭固陋有志纂修念創始

之維艱蒐羅務廣值公餘之稍暇考覈纂勤體例甫成規模粗脩特速稽更宜近取而援古尚未徵今僻壤窮鄉容有幽光之待闡殘碑斷碣宜無軼事之堪稽倘採摭未務致其精詳斯撰述必貽譏於疎漏惟祈

先達名公後來髦士匡其不逮惠以好音各抒識小識大之見聞用資或筆或削之去取庶幾釀花成蜜此邦之紀載可徵集腋為裘他日之流傳不朽云爾此啟

南鄭縣志

啟

二

知南鄭縣事漂陽王行儉具

南鄭縣志序

南鄭古褒國地周初被文王德化旱麓之篇發諒大雅
由來尚矣東遷後地入于秦厲共公始城之惠文土取
楚漢中地置漢中郡以邑隸焉至東漢遂為郡治歷晉
宋迄元明以及

本朝並相承不改數千百年間沿革損益盛衰得失之故
堪資攷鏡者何窮顧舊無專志紀載闕如府志所書其
文畧不具邑之文獻典章無所據以攷信識者病之余
承乏茲邑初下車接見諸紳士首以志為請余諾之而
南鄭縣志

序文

一

未暇為非惟不暇亦念創始綦難不敢苟且以從事也
數載以來時和年豐四野寧謐守土之吏幸免厥愆諸
紳士復堅申前請義不容以固陋辭乃于公餘之暇瀏
覽羣書擬其有關於志者類聚族分次第纂輯并屬紳
士互相諏訪彙為徵實撫遺二錄以資采取于是近事
益備凡九閱月三易藁而書成謹繕呈

道憲盛公 府憲吳公猥蒙許可命付剞劂夫志乘之
作自古難之矣搜羅不博則失之陋攷覈不精則失之
蕪既博且精而後可以稱志是編尊華下今務期于詳

瞻又以前靡所承無徵不信凡所引据必標列書名其
有滄訛時為駁正惟恐以無稽之說疑誤後來此兢兢
紀述之苦心庶幾異于苟且以從事者非敢云毫髮無
遺憾也刻既竣因序其緣起以誌歲月至于義例已散
見各卷中不贅述云

告

乾隆五十九年歲次甲寅仲春二月初吉

知南鄭縣事溧陽王行儉書于縣署之雙桂堂

南鄭縣志

序文

二

南鄭縣志目錄

卷之一

輿地上 沿革 疆域 形勢

卷之二

輿地下 山川 水利 風俗

卷之三

建置 城郭 公署 學宮 壇宇 坊表 里編

卷之四

職官 知縣 佐貳 教職

南鄭縣志

目錄

卷之五

食貨 地丁 倉儲 稅課 俸工 物產

卷之六

選舉 徵薦 附 科貢 武科 文武仕宦 封贈附

卷之七

人物上 賢達

卷之八

人物中 賢達 孝義 流寓

卷之九

人物下 列女

卷之十

古蹟 郭城 宮室 祠廟寺觀 冢墓

卷之十一

紀事上 周 秦 兩漢 三國 晉 南北朝

卷之十二

紀事下 唐 五代 宋 元 明

卷之十三

藝文上 詩

南鄭縣志

目錄

卷之十四

藝文中 文

卷之十五

藝文下 文

卷之十六

雜識

纂輯

知南鄭縣事辛卯科舉人陳陽王行儉

考訂

南鄭縣儒學教諭辛卯科舉人李戎

南鄭縣儒學訓導庚寅科舉人李士龍

壬午科舉人延安府靖邊縣訓導裁取知縣樊德輝

壬子科舉人王珽

編次

南鄭縣青石關巡檢司余孔捷

南鄭縣志

銜名

南鄭縣典史崔宣

監修

甲子科武舉原任四川遊擊焦文炎

壬申科武進士原任泗州衛守備焦廷通

己卯科武舉胡祐

歲貢羅大成

歲貢胡紹德

附貢萬克允

生員牛配元

生

生

生

生

採訪

己酉

鄉

鄉

鄉

南鄭縣志

銜名

鄉

鄉

鄉

廩

生

生

生

生

生

員考天申

員蘇滋生

員馬通

員李麟華

舉范瑞星

科武舉任綱

鄉飲任翰池

鄉飲袁朝榮

二

鄉飲張顯世

鄉飲張可立

鄉飲陳際盛

生王緝

生王泳隆

生員朱開道

生員蘇萬善

生員姚維藩

生員黃昌榮

生	員汪文元
生	員李景白
生	員溫啟馨
生	員殷際昌
生	員金子堅
生	員毛禮讓
校刊	
鄉	飲牟發
鄉	飲李暎桂
南鄭縣志	三
街名	
鄉	飲焦士傑
鄉	飲樊德欽
鄉	飲楚文標
鄉	飲盧良榕
鄉	飲雷暄
鄉	飲宋紹景
校對	
廩	生楊春元
廩	生張鵬飛

廩	生奚起榮
廩	生李端來
南鄭縣志	四
街名	

南鄭縣志卷之一

知南鄭縣事漢陽王行儉纂輯

輿地上

沿革

按志輿地者必先星野前明喬世寧雍州志謂星野古以國論括地廣遠州小故不書今例取耀志而義又不同蓋邑爲郡治星野自當以郡主之關而不書以尊郡示有統云

南鄭禹貢梁州之域古褒國屬邑

南鄭縣志

卷之一 輿地

一

按禹貢華陽黑水惟梁州地理今釋漢中府古梁州水經注南鄭縣古褒國之附庸

又按南鄭地名始見於史記秦本紀註家不詳其所由來考劉熙釋名云鄭町也地多平町町然也鄭本周西畿咸林之地南鄭在西畿之南而地始出險就平故稱南鄭以別於西畿之鄭所從來遠矣水經注謂因鄭桓公被難其民南奔故名夫鄭武公從平王東遷施舊號於新邑是爲新鄭若鄭民避難南奔誰爲之定其邑居而施舊號乎此蓋

附會之說史漢注並無文

周以梁并雍爲雍州之域東周後地入於秦

按史記秦本紀楚自漢中南有巴黔中與秦接界惠王後十三年攻楚漢中取地六百里置漢中郡說者因謂南鄭始爲楚地後屬秦今考南鄭本蜀地蜀志望帝以褒斜爲前門是也史記六國表秦厲公二十六年城南鄭時距春秋之末甫三十餘年下逮惠王取楚漢中之歲一百三十年而南鄭已爲秦地躁公二年又叛秦附蜀惠公復取之秦

南鄭縣志

卷之一 輿地

二

本紀惠公十三年伐蜀取南鄭取之蜀非取之楚也史記所稱楚有漢中秦取楚地置漢中郡者蓋指今之興安府一帶古西城旬陽房陵上庸長利諸邑非謂全郡皆楚地也

又按竹書穆王築祗宮於南鄭穆天子傳亦有天子入於南鄭之文或云即今南鄭縣郭璞注云南鄭今京兆鄭縣漢書臣瓚注亦云穆王以下都於西鄭考春秋左氏傳穆王欲肆其心周行天下祭公謀父作祈招之詩以止王心王是以獲沒於祗

宮是祇宮當在都內周自武王宅鎬至懿王始徙
犬邱穆王遷都不見於史是以顏師古漢書地理
志注謂穆王無都西鄭之事而斥墳說為非是京
兆鄭縣之說亦屬傳疑或以南鄭之文附會為茲
邑更無稽矣

秦為南鄭縣屬漢中郡

按史記秦惠王後十三年置漢中郡始皇二十六
年分天下為三十六郡漢中其一也時郡所治縣
史無明文考秦本紀昭王二十年王之漢中六國

南鄭縣志

卷之一 輿地

三

表昭王四十六年王之南鄭一以郡書一以縣書
是縣非郡治即此可徵前漢郡治西城蓋因秦舊
說見後條

漢為南鄭縣屬漢中郡隸益州高帝初封漢王都此

按漢書地理志漢中郡縣十二南鄭屬焉 晉書

地理志漢不立州名以梁州之地為益州漢書地

理志平帝元始中改梁曰益

後漢為南鄭縣漢中郡治按自後常隸益州

按後漢書郡國志漢中郡九城首南鄭

又按輿地之書並云秦漢置漢中郡治南鄭舊說
相承莫知其誤考史例凡郡所治者縣名必先書

而前漢地理志漢中郡下首西城不首南鄭頗以
為疑及讀城固唐公房仙人碑後漢時漢中太守
郭芝所立也碑稱公房以王莽居攝二年為郡吏
遇真人與以神藥曰服此當移意萬里時府在西
城去家七百餘里休謁往來轉影即至西城今興
安府治公房家城固相去七百餘里因知前漢郡
治西城後漢始移治南鄭是以前志漢中郡領縣

南鄭縣志

卷之一 輿地

四

十二首西城後志漢中郡領九城首南鄭縣名先
書者郡所治也向來沿誤皆失之不考

蜀漢為南鄭縣屬漢中郡隸益州

按漢末張魯據漢中改漢中為漢寧郡建安二十
年魏武平張魯復漢寧為漢中二十四年蜀先主
有其地

又按自漢以梁州為益州而梁州之名遂虛通典

蜀統益梁二州梁治漢中宋祝穆方輿勝覽亦云

蜀立梁州今考魏志景元四年平蜀始立梁州晉

書地理志又云泰始三年分益州立梁州則蜀時無梁州也通典勝覽並非

晉為南鄭縣屬漢中郡梁州刺史治

按晉書地理志漢中郡統縣八首南鄭又按泰

始三年分益州立梁州於漢中

宋為南鄭縣屬漢中郡梁州刺史治

按宋書州郡志漢中郡領縣四首南鄭又按魏

景元四年平蜀立梁州治漢中南鄭李氏據梁益

江左於襄陽僑立梁州李氏滅復舊譙縱時又治

南鄭縣志

卷之一 輿地

五

漢中刺史治魏興縱滅刺史還治漢中之苞中縣

所謂南城也文帝元嘉十年刺史甄法護於南城

失守刺史蕭思話還治南鄭

齊為南鄭縣屬漢中郡梁州刺史鎮

按南齊書州郡志漢中郡縣五首南鄭人按梁

州鎮南鄭

梁為南鄭縣屬漢中郡梁秦二州刺史鎮天監三年沒

於魏

按梁書武帝紀天監三年魏陷梁州魏書世宗紀

正始元年閏十月梁行梁州事夏侯道遷據漢中來降

魏為南鄭縣屬漢中郡梁州刺史鎮西魏大統元年復

入於梁十七年仍屬魏

按魏書地形志漢中郡縣三首南鄭梁書武帝

紀大同元年十一月魏大統元年北梁州刺史蘭欽攻

漢中克之魏梁州刺史元羅降後周書大統十七

年大將軍達奚武征漢中梁州刺史蕭循以州降

西魏為南鄭縣析置白雲縣後又改南鄭為光義縣

南鄭縣志

卷之一 輿地

六

按隋書地理志南鄭西魏置白雲縣太平寰宇記

後魏廢帝三年改南鄭為光義縣移理州東光義

府

隋為南鄭縣漢川郡治大業初省白雲縣併入

按太平寰宇記後魏改南鄭為光義縣隋開皇初

復為南鄭縣隋書地理志南鄭舊置漢川郡開皇

初郡廢大業初置又西魏置白雲縣大業初併入

焉

唐為南鄭縣漢中郡治後為興元府治隸山南西道

按唐書地理志興元府漢中郡本梁州漢川郡開元十三年以梁涼聲相近更名荊州二十年復曰梁州天寶元年更郡名興元元年為府縣五南鄭為次赤

五代為南鄭縣興元府治隸山南西道僞蜀王建據其地唐莊宗平之後復為孟昶所據蜀亡地入於宋

按五代史職方考興元府曰山南西道唐故號五代無所易文獻通考王蜀改興元府為天義軍後復故

南鄭縣志

卷之一 輿地

七

宋為南鄭縣興元府治南渡後析置廉水縣隸利州路

按宋史地理志興元府縣四南鄭為次亦南渡紹

興四年一作紹興四年析南鄭置廉水縣以廉水為名

元史地理志興元路宋時領縣五後廢廉水入南

鄭

元為南鄭縣屬興元路隸陝西行中書省

按元史地理志興元路領州二縣四首南鄭

明為南鄭縣漢中府治隸陝西承宣布政司使

按明史地理志漢中府領州二縣十四按後改興安為直隸

本朝因明制

州一縣八 南鄭倚

疆域

一統志附郭東西距五十里南北距一百六十里東至城固縣界二十里西至褒城縣界三十里南至四川保寧府南江縣界一百四十里北至褒城縣界二十里東南至保寧府通江縣界一百二十里西南至保寧府巴州界一百九十里東北至城固縣界四十里西北至褒城縣界二十里

南鄭縣志

卷之一 輿地

八

按南鄭疆域與古不同東觀漢記以漢中郡南鄭之西鄉戶千封班超為定遠侯李賢云故城在今洋州西鄉縣南是漢時南鄭之境直跨西鄉其廣如此至唐以後則東南縮而西北稍贏蓋今之洋縣本漢城固縣地自後魏及唐置洋州割城固之地入洋於是分南鄭以益城固而東境遂蹙西稍占八褒城是以李太尉固墓在長柳渡者漢時本南鄭地今屬城固褒城驛在小柏鄉者唐為褒城地今屬南鄭疆域遷移大畧如此其詳不可考矣

形勢

早山

按當作早山

面其南漢水下流環圖若帶通志南

襟江漢北控襄斜

按府志載有八景類多傳會譚吉璵輯延綏鎮志

謂古人之書未嘗有所云景致者景致之目俗甚

其說良然今不錄

南鄭縣志

卷之二 輿地

九

南鄭縣志卷之二

輿地下

山川

早山 一統志在縣西南 詩經大雅瞻彼早麓毛傳

早山名 漢書地理志南鄭縣有早山池水所出

周地圖記山上有雲即雨 輿地紀勝在縣西南二

十里四峯八西南接巴山上有池水一名天池山

寰宇記山上有池方二十里 府志山嶽峯奇偉春

夏積雪其右為鳩谷迤東數里有茅溝山

南鄭縣志

卷之二 輿地

一

按詩大雅瞻彼早麓榛楛濟濟毛傳早山名鄭箋

早山之足林木茂盛者得山雲雨之潤澤皆未實

指早山所在王應麟詩地理考引漢志南鄭縣有

早山而早麓始有確證今縣南二十里有山巍然

北距漢水即毛詩之早山也府志以此為漢山而

指縣北六十五里之山為早山攷水經注洛水出

南鄭縣東南早山今漢山正在縣治之南其為早

山無疑南鄭縣治自後魏以來東西稍有遷移南

北並無變置豈有縣南之山乃在縣北六十餘里

之外者乎周地圖記旱山一名漢山其說亦非漢
爲水名源出嶠冢不出茲山何名爲漢如曰漢中
之山則四面環繞者皆是也此蓋土俗之稱因早
漢聲相近而譌耳今正其名曰旱山以合毛詩漢
志俾治經讀史者有所攷云

立石山 輿地紀勝在縣西南三十里相近有玉泉嶺
玉京山 通志在縣西南四十里一峯突插旱山之陽

府志山接哀城界高五十五里一稱鶴騰巖左右
三巖相接狀類畫屏相傳昔人於此駕鶴仙去巖半

南鄭縣志

卷之二 輿地

二

有三石洞深邃莫測溪水源發中梁注分兩岐東西
灌溉餘水峽流是巖爲瀑布焉

黃牛山 府志在縣西南五十里 魏書地形志華陽

縣有黃牛山 隋書地理志南鄭縣有黃牛山 寰

宇記山有石黃色遠望如牛下有黃牛川十道記云

黃牛川有再熟之稻上人重之

龍蓋山 雍勝畧在縣西南五十里其南麓與巴山相

接

寶頂山 輿地紀勝在縣西南七十里與青銍山相接

上生芝草 府志一名寶鼎山

金華山 輿地紀勝在縣西南七十里與巴山相接峭
峯特起左右環繞傍有數泉合爲一池

雙乳山 通志在縣西南七十五里 府志廉水經其
中兩山並峙宛如人乳

按府志以雙乳入褒城今從通志

孤雲山 一統志在縣西南 周地圖記孤雲勢極險

峻行人三日始達上有兩峯對峙故曰兩角語云孤

雲兩角去天一握

南鄭縣志

卷之二 輿地

三

高望山 通志在縣南二十里

我公山 統志在縣南六十里

按宋書元嘉十年氏帥楊難當焚掠漢中南漢中

太守蕭承之自黃金進據我公山立廟祭祀即此山

書梁土民思承之功於我公山立廟祭祀即此山

也

仙臺山 寰宇記在縣南百九十里一名玉女山高峻

不可登上古有三門山下時聞鐘磬之聲道家開

山經云仙人玉女所居之地 唐書地理志南鄭縣

有王女山 輿地紀勝仙臺在廉水縣按宋折一名南鄭置米倉山與大巴山相連有截賢嶺云蕭何追韓信至此 府志米倉山高聳摩雲登其嶺則褒沔洋鳳俱歸一覽

按南鄭王女山見唐書地理志寰宇記謂仙臺山一名王女山輿地紀勝謂一名米倉山是王女仙臺米倉實一山也府志以米倉入南鄭以仙臺入褒城分爲二山而王女之名堙沒不見今爲考定如右

南鄭縣志

卷之二 輿地

四

又按宋史郭浩傳饑民相聚米倉山爲亂浩討平之高稼傳制置使檄守米倉元史李進傳由陳倉入興元度米倉關是此山險阨宋元時一關隘也又沔縣亦有米倉山在縣東六十里

大巴山 元和志在縣南百九十里東濱漢江與三峽相接山南即古巴國 一統志山綿亘數百里冬夏積雪不消中包孤雲兩角米倉諸山南與四川巴州之小巴山接

石臼嶺 府志在縣東南八十里

幞頭山 輿地紀勝在縣東南百里以形似名又蒿嶺洞在縣東南小黃村高崖壁立前臨深澗洞當半崖飛橋而入洞中極寬廣巉巖萬狀石乳參差

梁州山 輿地紀勝在縣東南百八十里其西與孤雲兩角諸山相接大山四圍其中三十里許甚平廣或云古梁州治也 一統志一名梁山

龍岡山 府志在縣西十里 隋書地理志南鄭縣有龍岡山 華陽國志龍岡北臨漢水南帶廉津輿地紀勝相傳梁天監中有龍鬬於此

南鄭縣志

卷之二 輿地

五

按山在漢江南岸江流屈曲而山隨之龍岡當以此得名紀勝謂梁天監中龍鬬於此則華陽國志出自常璩璩西晉人已稱龍岡非至梁時始得名也

又按水經注萬石城在高原上原高十餘丈南遏水爲阻西北竝帶漢水與華陽國志所云龍岡北臨漢水南帶廉津相合則龍岡當即萬石城也互見古蹟

梁山 府志在縣西十五里 唐書地理志南鄭縣

有中梁山 輿地紀勝漢中記云以其鎮梁州之中故名 明統志高陵羣擁勢類積穀山名因之 中梁山記山高四里上有石馬池水春冬不涸時出雲雨見怪物 一統志在南鄭褒城之界南麓有玉女洞溪水自山峽下瀉懸如瀑布又數步有水湧出爲玉女泉合溪水溉田

聽山 輿地紀勝在縣西北西抵壻水小溪 府志舊傳唐公房仙去惟聞空中歌管聲因名聽山

神山 撫遺錄在縣南八十餘里近青石關山有石洞深不可測水從洞中流出洞口有石觀音像歲旱禱雨輒應土人謂之小南海

南鄭縣志 卷之二 輿地

六

按神山洞水莫測其源或云四川保寧府廣元縣有龍背洞溪水流入洞中至此始出考廣元昔爲綿谷縣輿地紀勝云縣北有龍口洞

即龍凡爲洞者三有水自第三洞發源貫通兩洞下合嘉陵江

王文簡公正詩亂水趨嘉陵波濤勢交匯萬壑爭

一門雷震走其內是也此與神山洞水北流入漢者迥別或說非是

赤崖 府志在縣西北蜀漢趙雲退師燒毀赤崖以北閣道百餘里後諸葛孔明卒於五丈原魏延退師復焚之即此

天臺山 府志在縣西北七十里頂平如臺爲縣治之主山 舊記山高數百里中巖有飛泉數百人下爲深潭號佛子潭前巍然高聳者爲金爐峯西有蠟燭峯峯下有洞深不知底止石磊磊層積如碑凌空謂之石碑口土脉墳起如星羅列謂之七穀堆皆山中奇勝

南鄭縣志 卷之二 輿地

七

寶山 輿地紀勝在縣北十餘里舊傳山中得寶珠因名相近有白雲嶺

玉井洞 府志在縣北十五里 一統志平岡有穴如井 雍勝畧玉井在玉井觀南水色白人謂飲此可療病

獅子山 雍勝畧在縣北四十里形如獅子下有佛洗潭

七峯山 府志在縣北五十里七峯峭拔相傳宋蘇軾曾遊此

王子山 府志在七峯山之側峯巒峻拔如畫屏然
武鄉谷 十道志蜀封諸葛亮為侯國

按宋梁州刺史范柏年對明帝臣州有武鄉即此
魏書地形志襄中郡武鄉縣延昌元年置攷其疆
域蓋在今南鄭褒城二縣之間十道志謂谷在府
東北三十里寰宇記謂在縣東北三十一里此為
近之府志云城北門內非也

駱谷 雍勝畧在縣北通盤屋駱谷關 府志在縣東
北一百二十里自洋之真符至此屈曲八十里八十

南鄭縣志

卷之二 輿地

八

四盤即漢魏舊道南通蜀漢曹爽伐蜀入駱谷三百
餘里不得前牛馬以轉運死畧盡姜維出駱谷軍於
長城即此谷道廢塞已久武德七年復開東北自郿
縣界西南經盤屋縣又西南入駱谷出駱谷入洋川
興勢縣界

漢水 書禹貢嶓冢導漢東流為漢孔傳泉始出山為
漢水東南流為沔水至漢中東流為漢水 山海經
嶓冢之山漢水出焉東南流注於沔 水經注漢水
東合褒水又東逕漢廟堆下又東過南鄭縣南合原

水右合池水又東得長柳渡 元和志漢水經縣南
去縣一百步

褒水 漢書地理志武功縣褒水出衙嶺山至南鄭入
沔 志在縣西二十里自褒城界來南流至龍江
舖西小柏鄉入漢

廉水 府志在縣西南四里自褒城縣來東北流入於
漢 魏書地形志華陽縣有廉水 水經注廉水出
巴嶺山北流逕廉川故水得其名又北注漢水 寰
宇記龍岡山南有廉津廉水所經

南鄭縣志

卷之二 輿地

九

池水 漢書地理志南鄭縣旱山池水所出東北入漢
後漢書郡國志華陽國志曰有池水從旱山來
水經注漢水右合池水水出旱山山下有祠 寰宇
記旱山下有石池即池水之源

按府志云池水即禹貢之沱水鄭康成尚書注漢
中有沱水潛水沱池字同即此攷鄭注梁州沱潛
但云二水亦謂自江漢出者並未確指漢中漢書
地理志蜀郡郿縣禹貢江沱在西東入大江此班
固自注特標之曰禹貢江沱此沱水在郿之明據

爾雅郭璞注沱水自蜀郡都安縣蒲山與江別而東流今四川成都府瀘縣西南有郭江即班志郭注所稱禹貢之沱與南鄭無涉顏師古漢書注於蜀郡郿縣汶江縣之沱南郡枝江縣之沱並云音徒何反於太原郡上艾縣之庫池水代郡固城縣之庫池河並云池音徒何反而南鄭旱山之池無注則池讀如字不讀爲沱斷難牽合矣

老渚河 府志在縣南十里源出蓋山經城南十五

里北流入漢 水經注池有出旱山俗謂之獠子水

南鄭縣志

卷之二 輿地

十

夾溉諸田散流左注漢水 輿地紀勝老子水在原

水縣源出米倉山下流合石劔等水號老子溪即郿

道元所謂獠子水也

按府志以池水即老渚河據水經注池水俗謂之

獠子老渚即獠子之謠水之說也考池水出旱山老渚河

出籠蓋山發源既異明非一水北魏時呼池水爲

獠子水者指其合流處名之耳今仍分爲二水至

老子老渚當即獠子之謠合之爲是

冷水河 通志冷水河源出旱山流入於老漢

紅花水 通志紅花水源出旱山與冷水合流入於老漢

按府志無老漢蓋即老渚河之異名也

黑水 水經注黑水出漢中南鄭縣北山南流入漢

仲雍曰黑水去高橋三十里諸葛亮牋云朝發南鄭

暮宿黑水四五十里指謂是水也

按今縣境無黑水惟褒城之黑龍江自縣北流逕

縣南入漢此水源出秦嶺合寶雞虢川黑龍泉水

入縣縣界逕白銀峽江口下達武關至褒城爲黑

南鄭縣志

卷之二 輿地

十一

龍江秦嶺在長安正南東起商洛西盡汧隴東西

八百里關中指此爲南山漢中指此爲北山是水

經注之北山蓋即秦嶺其繫之南鄭者古人文字

寬不嫌以遠爲近也庾仲雍謂黑水去高橋三十

里高橋遺蹟雖不可考據梁書蘭欽傳魏遣董紹

張獻攻圍南鄭欽救之大破紹獻於高橋城是高

橋黑水皆附近南鄭諸葛牋云朝發暮宿四五十

里今黑龍江正在縣北四十里則鄭注黑水含黑

龍江將焉求之也